

ხელშეკრულება №22/142

სახელმწიფო შესყიდვების შესახებ ელექტრონული ტენდერი №NAT220016859

ქ. თბილისი

ოქტომბერი 2022 წელი

ა(ა)იპ “მუნიციპალური სერვისების განვითარების სააგენტო” წარმოდგენილი მისი უფროსის გიორგი მარგებაძის სახით (შემდგომში „შემსყიდველი“) და შპს „იუჯითი“ (ს/ნ 204892964) (შემდგომში „მიმწოდებელი“), წარმოდგენილი მისი გენერალური დირექტორის ერმილე სულაძის სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ - კალენდარული დღე, კვირა, თვე.

1.4. „შემსყიდველი“ - ორგანიზაცია, რომელიც ახორციელებს შესყიდვას.

1.5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6. „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

წინამდებარე ხელშეკრულების საგანია მონაცემთა რეზერვირების გადაწყვეტილების შესყიდვა N1 დანართით გათვალისწინებული ტექნიკური დავალების შესაბამისად – CPV48800000; CPV 48823000.

3. ხელშეკრულების ღირებულება

3.1. ხელშეკრულების საერთო ღირებულება შეადგენს **759000 (შვიდას ორმოცდაცხრამეტი ათასი ლარი და 00 თეთრი)** ლარს (N1 დანართი).

3.2. ხელშეკრულები ღირებულება მოიცავს როგორც საქონლის, ისე გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3.4. საქართველოს სამოქალაქო კოდექსის 398-ე მუხლით გათვალისწინებული პირობების დადგენის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

4. მხარეთა ვალდებულებები

4.1. მიმწოდებელი ვალდებულია:

ა) უზრუნველყოს ხელშეკრულებით გათვალისწინებული საქონლის მიწოდება თანმდევი მომსახურებით (მონტაჟი/ინსტალაცია/ექსპლუატაციაში გაშვება) ა(ა)იპ „მუნიციპალური სერვისების განვითარების სააგენტოს“ ქ. თბილისში, ფანჯიკიძის N1ა-ში მდებარე სასერვეროში, წინამდებარე ხელშეკრულების ძალაში შესვლიდან 130 (ას ოცდაათი) კალენდარული დღის განმავლობაში;

ბ) შესყიდვის ობიექტის თანმდევი მომსახურება (მონტაჟი/ინსტალაცია/ექსპლუატაციაში გაშვება) განახორციელოს მოსაწოდებელი საქონლის მწარმოებელი კომპანიის სერტიფიცირებული სპეციალისტების (ინჟინერების) მიერ;

გ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

დ) ხელი შეუწყოს შემსყიდველს ინსპექტირების განხორციელებაში;

ე) განახორციელოს ამ ხელშეკრულებითა და მოქმედი კანონმდებლობით მასზე დაკისრებული სხვა ვალდებულებები.

4.2. შემსყიდველი ვალდებულია:

ა) შეასრულოს ამ ხელშეკრულებით მასზე დაკისრებული ვალდებულებები.

4.3. მიმწოდებელს უფლება აქვს:

ა) მოსთხოვოს შემსყიდველს გაწეული საქონლის ღირებულების ანაზღაურება ხელშეკრულებით გათვალისწინებული პირობებით.

4.4. შემსყიდველს უფლება აქვს:

ა) მოსთხოვოს მიმწოდებელს ხელშეკრულებით გათვალისწინებული ვალდებულებების შესრულება.

4.5. მხარეები კისრულობენ ვალდებულებას წინამდებარე ხელშეკრულებასთან დაკავშირებული ნებისმიერი მიმოწერა აწარმოონ წერილობით ან/და ელექტრონული ფოსტის (მიმწოდებლის ელექტრონული ფოსტის მისამართები:

შემსყიდველის ელექტრონული ფოსტის მისამართ(ებ)ი: l.datashvili@tbilisi.gov.ge; i.avlokhshvili@msda.ge; მეშვეობით.

5. ხარისხი და გარანტია

5.1. მიწოდებული საქონელი უნდა იყოს ახალი (ექსპლუატაციაში არმყოფი) და შეესაბამებოდეს წინამდებარე ხელშეკრულებაში განსაზღვრულ მაჩვენებლებს.

5.2. მიწოდებულ საქონელზე გარანტია ვრცელდება, მიღება-ჩაბარების აქტის გაფორმებიდან 3 (სამი) წლის განმავლობაში საგარანტიო პერიოდში მოწოდებული საქონლის ნებისმიერი დაზიანების შემთხვევაში, მიმწოდებელი ვალდებულია საკუთარი ხარჯებით აღმოფხვრას ყველა გამოვლენილი ხარვეზი/დაზიანება.

5.3. მოწოდებული საქონლის აპარატურულ კომპონენტებზე, საქონლის მიწოდების მიღება-ჩაბარების აქტის გაფორმებიდან, ვრცელდება მწარმოებლის 3 (სამი) წლიანი მხარდაჭერის სერვისი. აპარატული/ფიზიკური დაზიანების შემთხვევაში შეტყობინების მიღებიდან 14 (თოთხმეტი) დღიანი (კალენდარული დღე) აღდგენის დროით.

5.4. პროგრამული უზრუნველყოფის გადაწყვეტილებას, გააჩნია მწარმოებლის 3 წლიანი წლიანი განახლება/ტექნიკური მხარდაჭერა, რომლის ათვლაც იწყება საქონლის მიწოდების მიღება-ჩაბარების აქტის გაფორმებიდან.

6. ხელშეკრულების შესრულების კონტროლი

6.1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ხელშეკრულების მოქმედების მთელ პერიოდზე.

6.2. ხელშეკრულების პირობების შესრულების კონტროლს განახორციელებენ შემსყიდველის მიერ განსაზღვრული პირი ან/და პირთა ჯგუფი ან/და კონკრეტულ შემთხვევებში მხარეთა შეთანხმებით შესაძლებელია მოწვეულ იქნეს სპეციალური ცოდნის მქონე სპეციალისტი (ექსპერტი), რომლის/რომელთა მიერაც უნდა შედგეს აქტი (დასკვნა).

6.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია შეტყობინების მიღებიდან, აპარატული/ფიზიკური დაზიანების/წუნის შემთხვევაში არაუგვიანეს 14 (თოთხმეტი) დღიანი (კალენდარული დღე) ვადაში მოახდინოს ხარვეზის აღმოფხვრა. იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება მიმწოდებელი ვალდებულია დაუბრუნოს შემსყიდველს აღნიშნული წუნდებული საქონლის ღირებულება.

7. მიღება-ჩაბარების წესი

7.1. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

7.2. შემსყიდველის მხრიდან საქონლის მიღებას აწარმოებს: ა(ა)იპ „მუნიციპალური სერვისების განვითარების სააგენტოს სისტემური ადმინისტრირების დეპარტამენტის უფროსს ირაკლი ავლოხაშვილს.

8. ანგარიშსწორება

8.1. ანგარიშსწორება განხორციელდება ერთიანად მიღება-ჩაბარების აქტის გაფორმებიდან 10 (ათი) სამუშაო დღის ვადაში ან (მიმწოდებლის მხრიდან წინასწარი ანგარიშსწორების მოთხოვნის შემთხვევაში) გარანტიის წარმოდგენიდან 5 (ხუთი) სამუშაო დღის ვადაში, 2022 წლის სახსრებით ადგილობრივი ბიუჯეტიდან.

8.2. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.3. წინასწარი ანგარიშსწორება განხორციელდება ხელშეკრულების საერთო ღირებულების 100%-ის ოდენობით, საავანსო თანხის იდენტური ოდენობის, უპირობო (გარანტიით გათვალისწინებული თანხა შემსყიდველმა უნდა მიიღოს ყოველგვარი დამატებითი განმარტებებისა და მტკიცებულებების წარდგენის გარეშე, პირველი მოთხოვნისთანავე), გამოუთხოვადი საბანკო გარანტიის საფუძველზე (რომლის მოქმედების ვადა არანაკლებ 60 დღით უნდა აღემატებოდეს წინამდებარე ხელშეკრულების მე-4 მუხლის პირველი პუნქტის „ა“ ქვეპუნქტით გათვალისწინებული საქონლის მიწოდების საბოლოო ვადას). საავანსო საბანკო გარანტია გაცემული უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.

8.4. საავანსო საბანკო გარანტია (ორიგინალი) წარმოდგენილი უნდა იქნას ხელშეკრულების ძალაში შესვლიდან 5 (ხუთი) სამუშაო დღის განმავლობაში.

8.5. შემსყიდველი იღებს ვალდებულებას, მიმწოდებელს გადაუხადოს საავანსო საბანკო გარანტიის იდენტური თანხა, საავანსო საბანკო გარანტიის წარმოდგენიდან 5 (ხუთი) სამუშაო დღის განმავლობაში.

8.6. იმ შემთხვევაში თუ მიმწოდებელი ვერ შეასრულებს ხელშეკრულებით ნაკისრ ვალდებულებებს, შემსყიდველი მიმართავს გარანტიის გამცემს თანხის ანაზღაურებასთან დაკავშირებით, წერილობითი ფორმით, რომელშიც მითითებული უნდა იყოს მოთხოვნილი თანხა როგორც ციფრობრივად ისე სიტყვიერად და ასევე საბანკო რეკვიზიტები.

8.7. წარმოდგენილი საბანკო გარანტია ავტომატურად უქმდება: საბანკო გარანტიის ვადის გასვლით, გარანტის მიერ იმ თანხის გადახდით, რომელზედაც გაიცა საბანკო გარანტია და შემსყიდველის მიერ თავის უფლებებზე უარის თქმისა და საბანკო გარანტიის ორიგინალის დაბრუნებისას.

9. ხელშეკრულების პირობების შეუსრულებლობა

9.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის, არაჯეროვანი შესრულების ან/და დაგვიანებით შესრულებისათვის ხელშეკრულებით და საქართველოს კანონმდებლობით დადგენილი წესით.

9.2. წინამდებარე ხელშეკრულების პირობების შეუსრულებლობის შემთხვევაში შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ღირებულების 10%-ის ოდენობით.

9.3. წინამდებარე ხელშეკრულების პირობების ნაწილობრივ შეუსრულებლობის შემთხვევაში შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ღირებულების 5%-ის ოდენობით.

9.4. წინამდებარე ხელშეკრულების პირობების არაჯეროვნად შესრულების შემთხვევაში (მათ შორის, ხელშეკრულების მე-4 მუხლის პირველი პუნქტის „ა“ ქვეპუნქტით ან/და ხელშეკრულების მე-5 მუხლის მე-3 პუნქტით ან/და მე-6 მუხლის მე-3 პუნქტით განსაზღვრული ვადების გადაცილების შემთხვევაში) მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

9.5. წინამდებარე ხელშეკრულებით განსაზღვრულ შემთხვევაში შემსყიდველი უფლებამოსილია შეწყვიტოს ხელშეკრულება მიმწოდებელთან და მოსთხოვოს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.6. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

9.7. ხელშეკრულებით გათვალისწინებული ვალდებულების/ვალდებულებების დარღვევის შემთხვევაში მიმწოდებელი იღებს გაფრთხილების წერილს, რომელშიც განესაზღვრება ვალდებულების შესრულების დამატებითი ვადა და პირგასამტეხლოს ოდენობა. დამატებით ვადაში ვალდებულების შეუსრულებლობის შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება. შემსყიდველის მხრიდან ხელშეკრულების ცალმხრივად შეწყვეტა შესაძლებელია გაფრთხილებისა და დამატებითი ვადის განსაზღვრის გარეშე, კანონით დადგენილ შემთხვევებში.

9.8. დაკისრებული პირგასამტეხლოს თანხის გადახდა უნდა განხორციელდეს სანქციის დაკისრების შესახებ შეტყობინების გაცნობიდან არაუგვიანეს 5 (ხუთი) სამუშაო დღის ვადაში, წინააღმდეგ შემთხვევაში მისი გაქვითვა განხორციელდება გადასახდელი თანხიდან.

9.9. შემსყიდველი პასუხისმგებლობას კისრულობს, ხელშეკრულებით გათვალისწინებული

ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს ხელშეკრულების ღირებულების 0.02%.

9.10. პირგასამტეხლოს გადახდა არ ათავისუფლებს შემსყიდველს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

10.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. ხელშეკრულების შესრულების გარანტია

11.1. ხელშეკრულების შესრულების უზრუნველყოფის **N12543/109-42** უპირობო (გარანტიით გათვალისწინებული თანხა შემსყიდველმა უნდა მიიღოს ყოველგვარი დამატებითი განმარტებებისა და მტკიცებულებების წარდგენის გარეშე, პირველი მოთხოვნისთანავე), გამოუთხოვადი საბანკო გარანტია (წარმოდგენილი უნდა იყოს ორიგინალი) გამოიყენება, მიმწოდებლის მიერ ხელშეკრულების ნაკისრი ნებისმიერი ვალდებულების შეუსრულებლობისათვის. გარანტია გაცემული უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.

11.2. ტენდერში გამოყენებული **N12543/109-42** ხელშეკრულების შესრულების უზრუნველყოფის საბანკო გარანტია შეადგენს ხელშეკრულების საერთო ღირებულების 2.5%-ს. ხელშეკრულების შესრულების უზრუნველყოფის საბანკო გარანტიის მოქმედების ვადა განისაზღვრება 2023 წლის 1 მაისის ჩათვლით.

11.3. მიმწოდებლის მიერ წინამდებარე ხელშეკრულებით ნაკისრი ვალდებულების სრულად შესრულების ან მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემდგომ, იგი უფლებამოსილია მოსთხოვოს შემსყიდველს აღნიშნული საბანკო გარანტიის უკან დაბრუნება.

11.4. საბანკო გარანტია გამოიყენება ნებისმიერი ზარალის ანაზღაურების მიზნით, კერძოდ: მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) და მიმწოდებლის მიერ ხელშეკრულების ცალმხრივად შეწყვეტის შემთხვევაში.

11.5. მიმწოდებლის მიერ ხელშეკრულების შეუსრულებლობის ან არაჯეროვნად შესრულების გამო, შემსყიდველის მიერ ხელშეკრულების ცალმხრივად შეწყვეტის შემთხვევაში, შემსყიდველი გამოიყენებს ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილ უპირობო და გამოუთხოვად გარანტიას სრული ოდენობით. ამ შემთხვევაში, საბანკო გარანტიის ამოქმედება მიმწოდებელს არ ათავისუფლებს შემსყიდველისათვის

მიყენებული ზიანის ანაზღაურებისაგან.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2. თუ ასეთი მოლაპარაკებების დაწყებიდან 5 (ხუთი) დღის განმავლობაში მხარეები ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონმდებლობით დადგენილი წესით.

13. ხელშეკრულების შეწყვეტა

13.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ასევე მოქმედი კანონმდებლობით ან წინამდებარე ხელშეკრულებით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

14.1. წინამდებარე ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2023 წლის 31 მარტის ჩათვლით, ხოლო საგარანტიო/მხარდაჭერის ნაწილში - შესაბამისი ვადის ჩათვლით.

14.2. წინამდებარე ხელშეკრულების შესაბამისი მუხლები, რომელთა მოქმედების ვადაც აღემატება მე-15 მუხლის პირველ პუნქტში განსაზღვრულ ვადას, ძალაში რჩება მათ სრულ შესრულებამდე.

15. ფორს-მაჟორი

15.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

15.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით,

სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

15.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

15.4. თუ ფორს-მაჟორული გარემოება გაგრძელდება 4 თვეზე მეტ ხანს, მხარეები ვალდებული არიან, მიიღონ გადაწყვეტილება წინამდებარე ხელშეკრულების შემდგომი ბედის შესახებ. თუ მხარეები ვერ მიიღებენ ურთიერთმისაღებ გადაწყვეტილებას, თითოეულ მხარეს შეუძლია ცალმხრივად მოშალოს წინამდებარე ხელშეკრულება. მეორე მხარეს ამ შემთხვევაში არა აქვს უფლება, მოსთხოვოს ხელშეკრულების მომშლელ მხარეს მოშლით გამოწვეული ზიანის ანაზღაურება.

16. სხვა პირობები

16.1. წინამდებარე ხელშეკრულება და მასთან დაკავშირებული მიღება-ჩაბარების აქტი შედგენილი და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17. მხარეთა რეკვიზიტები:

ა(ა)იპ „მუნიციპალური სერვისების
განვითარების სააგენტო“
ს/ნ 405026877
მისამართი: ქ.თბილისი, მიცკევიჩის 29-29ა
სახელმწიფო ხაზინა: TRESGE22
სახაზინო კოდი: 070203

შპს „იუჯიტი“

ს/ნ 204892964
მისამართი: ქ.თბილისი, ჭავჭავაძის 17ა.
სს „თიბისი ბანკი“
TBCBGE22
GE05TB0600000005467291

შემსყიდველი

მიმწოდებელი

დასახელება	რაოდენობა	მწარმოებელი კომპანია/ქვეყანა	ერთეულის ფასი (ლარი)	ჯამური ფასი (ლარი)
Dell EMC PowerProtect DD6400 Backup Appliance	1	Dell EMC / ირლანდია	712000	712000
Dell EMC PowerProtect Data Manager Backup Software	1	Dell EMC / ირლანდია	47000	47000

მხარეთა რეკვიზიტები:

ა(ა)იპ „მუნიციპალური სერვისების
განვითარების სააგენტო“
ს/ნ 405026877
მისამართი: ქ.თბილისი, მიცკევიჩის 29-29ა
სახელმწიფო ხაზინა: TRESGE22
სახაზინო კოდი: 070203

შპს „იუჯიტი“

ს/ნ 204892964
მისამართი: ქ.თბილისი, ჭავჭავაძის 17ა.
სს „თიბისი ბანკი“
TBCBGE22
GE05TB0600000005467291

შემსყიდველი

მიმწოდებელი